

## **Τίτελέ κε Ρῶλι uu Κολῶσι πικό n wói**

*Lελεε ρίτελέ ntí kέμεε ní we*

Πεε μεκεε Asii ketē kuwélé kunyine kέμεε κε Κολῶσι kuyu akú we. Ai Ρῶλι ricuruu γεε Kirisi icápine γεε Κολῶσι-i ní we karii, amá uukεicɔ unyine kapi ye n sée re Epafiraasi γεε kei Nsímé Kεcire riyóó (1:7, 4:12). Kukpaniilee-i κε Ρῶλι uú πεε Rəm kuyu-i we Epafiraasi uú ne weri uu ncónη μεε ní we u κεενκεε. In n la, Epafiraasi γεε yé Ρῶλι n símisi re pisoí féé ye icélaa kópe kei célaankeε. Lē nnya kuu rítelē ntí pi wói uké nfatene rikui kεcire pi léise. Pikireki ifasimé ne Pisuifi inyekii kapí πεε Κολῶσι-i pi céesi. Amá icélaa iyē ye péé ne Yeesu ikó memii wele. Amá Ρῶλι uu nyíse re Yeesu γεε ní pá yo kέμεε Upiima.

*Ifaaci iyē mekériine ye mmé:*

1. Τίτελé tē kekoraane κε keyóme kenyine ake Kirisi ríyu waise re ketē nnéi ne Uléeca icápine upiima (1:1-2:5), (1:15-20). Κολῶσι πικό κεcáá iwelε ye wele keyóme kē ake kelene tiki (1:3-14). Keyóme kē kepire κε Ρῶλι uu πεε lē kuu Uléeca icápine κεcáá n náasi nkó wa (1:24-2:5).
2. Uu πεε limemáá Kirisi πικό πεε Κολῶσι-i ní we maa re piké pimεcire tí (2:6-23). Api kape πεπεε inómesimé n célaankeε ne kutu n cɔlē. Amá piké nfatene kapi ní yósi kέμεε n we.

3. Títelé ntí ye kɔ icélaa kapi ye ne Uléécáa icápine kémee ne pimárecɔ kecɔpe ne pisoɪ kecɔpe isoɪ fale n li palenle. (3:1-4:6).
4. Pɔɔli ye uiyáhaa papɔlɛ (4:7-18).

### *Iyáhaa*

<sup>1</sup> Née Pɔɔli ye Uléécáa mela kémee Kirisi Yeesu utume m pansɛ, ne urómárecɔ Timotee.

<sup>2</sup> Nɔ́ ke Uléécáa uu n wée nɔn Kolɔasi-pɔ we, nɔn Kirisi ne kefa kesɛ tikilɛ kari rítelé ntí wólu. Nɔ Kirisi kémee pirómárecɔ kecire le. Urósáa Uléécáa uké ípɛelée nó nyíse uu kɔ nkínɲine nó he.

### *Pɔɔli ye Uléécáa pɔɔnesɛ*

<sup>3</sup> Tɔ ye tɔn Urópíima Yeesu Kirisi usaa Uléécáa n yáásine, tɔ ye m̀pá píyei nókenécáá u pɔɔnesɛle.

<sup>4</sup> Mesei kari nónnésímé kɔ te nɔ ne Yeesu Kirisi kefa tenelenle, nɔn pɛ ke Uléécáa uu n wée la

<sup>5</sup> re nɔ mé te nó lɛ ke Uléécáa uu keyómecaa-pɔ nó n yekeilɛ yɔsí nnya. Nsímé Kecire mee aseɪ m má mee pitá pɛ nó símisi.

<sup>6</sup> Ái nókenémee ηmanɛ ke Nsímé Kecire mmú nn tuiɔ. Ketɛ nké nnéi kecáá kapi n kɔ. M̀pá yei knn tikóónú nn kɔ pisoɪ isoɪ conse. Lɛ knn kɔ nní nókenémee wai hái keyáa kɛ-me kani Uléécáa ípɛelée n kɔ ani céru re aseɪ ye nyɛ.

<sup>7</sup> Urósáne ne urókɛicɔ Epafiraasi yeɛ nsímé mmɛ nó céesi. Aseɪ kuú ne Kirisi pikɛi nókenémee wai.

<sup>8</sup> Uricuruu yeɛ ró símisi re Nfáasɔne hn kusa nla nó he.

<sup>9</sup> Lɛ nnya kari nókenécáá m̀pá píyei keyóme yáási hái karí ne nónnésímé n kɔ. Tɔ Uléécáa welu re uké

tíyese unfaasone nké mewéesesəho meýá nó he nn kə umela nsone nó céreise.

<sup>10</sup> Kei ke nínésói kani n le ii yé pee Upíima ríyu waise re nə lelee ne u n sá wai nnya. Lē kéméé kani yé pee mewai sone mmé ncəpurí n wapisi ani kə Ulééca n ceru nən ne kényu sí.

<sup>11</sup> Unnanje mee hín ncə m má nké nó papukuse ani mpa yo kémee m purú nən kahari.

<sup>12</sup> Ani mpónare ne Saa Ulééca pəonese. Uyee tíyese kani yé fe ani lisone kuu uiyəopi metéi kémee pē kuu n wée n yekeilē yenu.

<sup>13</sup> Uyee kuɲmaha ute anipe-i ró lése uu ukepipi lala iyəopi kémee ró tónse.

<sup>14</sup> Ukepipi kē kuú ne ritiki uú ne ilási kémee ró lese uu kə kē nnya arókope ró sárei.

### *Kirisi isoi ne upikēi nsímé*

<sup>15</sup> Ulééca úu kúyene we. Ukepipi kee umewee kapi ye n yé. Lē nnéi ke Ulééca uu n wa kecəpe uyee lifói un kə mpa yo fe.

<sup>16</sup> Uyē kuú ne ritiki uú ne keyómecaa-pə ne ketē kecáá mpa yo wai. Lelee kúyene ní we ne lelee ái kúyene ní we kuu wa. Uyee piyəopi wéese ne pipíima ne pisínésá ne mpa yo yee nnanje m má wa uu kə linnéi uanipe-i wai.

<sup>17</sup> Uyee ufoi we mpa yo ai kelenē n we. Uyē nnya ke mpa yo ai kə we lin nyamí.

<sup>18</sup> Lē nnya uyee ipiɲe riyu, ipiɲe iyee Ulééca pikó icápine. Uyee isoi fale kekoraane. Uyee mefoi nkəpə kémee yisi uu nfáa teneciré yénu. Uyee mpa yo kémee ufoi uu péé ne mpa yei ufoi.

<sup>19</sup> Li Ulééca ripóə wale re uké uisoi nnéi ne ukepipi kémee n we,

20 uké kɔ nɛ kɛ ritiki uké u nɛ ketɛ nké nɛ keyómecaa likó nnéi kɛɔpɛ nsímé nyóɔnse liké pɛɛ kemekó-i n we. Ményɛ mɛ kɛ ukɛpipi akɛ kunapéékó kɛcáá n kɔɔnu kuú nɛ ritiki uú nɛ nkínɛnɛ wɛri.

21 Nɔ pɛɛ mɛkɛɛ-mɛ nósinémúnɛ kóɔpɛ nɛ nómenéwai kóɔpɛ nnya nɛ u tɔlaalenle nɔn kɔ upilaarɔ.

22 Amá Uléécɔa yɛ ukɛpipi nkɔɔ nɛ ritikilɛ uú nɛ nó nɛ uyɛ kɛɔpɛ nsímé nyóɔnse. Kɛ pansɛle kɛsoipipi akɛ kpi. Lɛ nnya, nɔ nkɔpɛni ukɛyu-i upisoɪ lɛ pɛɛ n kɔáiiɛ ápi ncaai nka má, ápi kɔ nka nɛ pi cési.

23 Lɛ nnya ani nkɔpɛni nfatɛnɛ kémɛɛ inínɪ kariɪ aní n taalɛ. Ani kapɛ Nsímé Kɛcɪɛ nɛ kɛtaɔ wa. Mmɛ karí nɛ tálɛ tɔn nɛ mɛ. Kɛtɛ nké nnéi kɛ nsímé mmɛ nn tikóónú. Lipikɛi kɛ nɛ Pɔɔli am wai.

### *Pɔɔli pikɛi nɛ uináá nstímé*

24 Li nkɔpɛni né láárúɛ rɛ nɛ nókenécáá íwɛ lɛ. Né nɛ kɔ lɛ lénilɛ rɛ íwɛ mɛsá mɛ kari yé n fe ari Kirisi kémɛɛ lɛ ámɛ kapɛ ripári. Kirisi ipɛnɛ yɛɛ nní pɛ kɛ Uléécɔa uu n wée icápinɛ. Pɛ nnya kam íwɛ lɛ.

25 Uléécɔa yɛ upikɛi kémɛɛ né kɔpísilɛ uu né forii rɛ kɛ nɛ unsímé nnéi nó kam.

26 U pɛɛ mɛkɛɛ icɔpuri nnéi kémɛɛ nsímé mmɛ pesilɛ. Amá u nkɔpɛni pɛ kuu n te n cereiselɛ.

27 Uléécɔa yɛ lalɛ piké nsímé mɛɛ m pékaalɛ mpiyɛ nɛ nkulaa ceri piké pi símisi. Lipéké-peké lɛɛ nní rɛ Kirisi yɛ nókenéméé wɛɛ. Uyɛ nnya kani tálɛ tɛ nó kam ani Uléécɔa mɛyɔɔpi kémɛɛ loni.

28 Kirisi rinyiri kari yóólɛ. Mpá úyɛ kari mɛsɔhɔ kɔpálɛ tɔn kɔ cési nɛ mɛwéesɛsɔhɔ kari m má nnéi.

Τὸ ἔ̄ wai re m̄pá úye uké Kirisi kupénec̄o kέmεε papisi nnya.

<sup>29</sup> L̄ε nnya kam̄ ne pikei η̄m̄óóp̄úl̄ε, nen náási ne Kirisi nnāηe kuu né n he nn né síkai ne rik̄oh̄o.

## 2

<sup>1</sup> Ne la re ani k̄o te at̄opi kam̄ nó ne Lawutisee pik̄ó kec̄áá n wai ne mp̄i nn̄éi p̄ee ápi ken̄éyu n yénaal̄ε kec̄áá ye ap̄iima le.

<sup>2</sup> Ne la re piké ikari mēyá wa, piké rin̄ó rise m má pin lakaane, mes̄oh̄o meké mēyík̄iyiki mēyá pi n tulaal̄ε ap̄i ne ḹε ke Ulééc̄aa uú p̄ee m pékaal̄ε ceru. Lipéké-peké lelee Kirisi.

<sup>3</sup> Ukeméé ke mēw̄é̄es̄es̄oh̄o ne Ulééc̄aa picere lis̄one nn̄éi ai pékaal̄ε.

<sup>4</sup> Uka úu kap̄e ne n fe uké nn̄óolari ne nó n k̄iraase nnya kam̄ ḹε nó símisi.

<sup>5</sup> Mp̄á kám̄ nn̄i nókenék̄ur̄i ní we, ne nókenéc̄áá m̄úsul̄e lin né láárú re n̄o η̄m̄óóp̄ul̄enle n̄on Kirisi n̄fatene kέmεε in̄í̄j̄i kariil̄ε.

### *Kirisi η̄mane yee ye n̄faa he*

<sup>6</sup> L̄ε nnya kani nn̄i n η̄m̄urei re Kirisi Yeesu yee N̄ouné̄p̄iima, ani ukupénec̄o kέmεε nóin̄ésoi n le.

<sup>7</sup> Ani ukusenc̄o kέmεε in̄í̄j̄i karīi ani nóin̄ésoi nn̄éi kέmεé ne u n tál̄ε. Ani ḹε kapi nó n céési m m̄úil̄ε, nóin̄é̄pīηe ḹi kap̄e pí̄kai n̄fatene kέmεε rīȳó. Ani ye k̄o u p̄ō̄n̄ese mēyá.

<sup>8</sup> Ani nómenéc̄í̄re t̄i úka úu kap̄e kesoīmun̄é ne nó k̄iraase uké kuyú̄i nó t̄ā méwoo. Ket̄ē nké kec̄áá lik̄ó ne p̄isoi inyekīi ke kesoīmun̄é k̄ē ake t̄ik̄il̄ε, ái n̄kp̄ani Kirisi.

<sup>9</sup> Mesei sei ke Uléecaa uu Kirisi ipiŋe kémee we ne umesá nnéi.

<sup>10</sup> Mpa yo mpuri kani ukupéneco kémee yé ne limesá nnéi. Uyee iyóopi ne nnaŋe nnéi fe.

<sup>11</sup> Nó ne uyé kupéneco kémee kani riké. Ai usoi kunipe kpee nó riké aku isare nókenécáá tólu, amá Kirisi meké kani kélẽ. Lelée re u akópe nnaŋe kémee nó léselẽ.

<sup>12</sup> Kapi míni nó n wóle, li wa yare no kpule api nó ne Kirisi kulesi. Nó ne uyé nóo kó nkpo kémee yisi. Kaní ne kefa n tenelẽ te Uléecaa ye nnaŋe mále nnya kuu nkpo kémee u yukuse.

<sup>13</sup> Nóanékópe ne nókunékéciré nnya kaní pree mekee Uléecaa inipere-i we yare pikpókpo. Amá Uléecaa ye nkpeni ne Kirisi ritikile uú ne nfáa nó he uu aróképe nnéi ró sári.

<sup>14</sup> Títelé tee pree isé kémee n wólaalẽ tin akópe kari n wa nyíselẽ kuu kpisi uu kunapéékóo kecáá kari tinkó nn tenẽ.

<sup>15</sup> Uléecaa ye keléecaa-po ne ketẽ nté kecáá iyóopi nnéi nnaŋe yósilẽ uu kunapéékóo kecáá i feriyẽ uú ne riwúí kémee isei i waise, uu i pulu yare pikpaniikó pin ne Ukepipi kee n feriyẽ nnaŋe kémee sóne.

<sup>16</sup> Lẽ nnya, úka úu ncée má uké nólinéluke-luke née nólinéniré-niré née nóanényá meluke née lẽ kani ye iwáre fale meleeme-i n wa née kewénteyaa kecáá nsímé nnyine ne nó cési.

<sup>17</sup> Lẽ nnéi ye lelée kepire n weme kumíri lẽ. Liyíkíyiki nmaa tee Kirisi.

<sup>18</sup> Pinyine ye kpáralẽ pin pisimúné cire me rikókori wai re pi pimécire ricepisele, amá pin pree piléecaatumẽ yáasi pin kó pisiláré ne kutu cólẽ. Ani

kaɓe tíye lipite pẽ piké akóɓe nó pa. Li we re pisimúñé cire kaɓi ne pikɛi wai.

<sup>19</sup> Aɓi ne Kirisi táłẽ, in kɔ ne uyee ríyu. Uyee ipiñe kpínii. Uyee tíyeselẽ ke akòhɔ ne itá ii cópiinelẽ, Uléécáa un pée ne ipiñe iyẽ peluse.

*Usoi nkɓɔ ne umeyise u ne Kirisi kupénecɔ kémee*

<sup>20</sup> Nó ne Kirisi ye kpule, áni kɔ nkɓeni ne ketẽ nté likó kutu cɔłẽ. Yo nnya kaɓi yé kɔ ne nó m písei re ani ketẽ isé ritiki yare insá n we, áni yé nfáa wa?

<sup>21</sup> Pi ye nó maa re: “Kaɓe nní kpísi”, “kaɓe nní rilélé” néee “kaɓe nní rica”.

<sup>22</sup> Pi ye lẽ nnéi ne keisile ai weri ai liketɔ tulu ai caai. Sisoipipi see liisé ne liicélaa iyẽ leseme.

<sup>23</sup> Isé ne icélaa iyẽ ne píse re usoi uké umela kémee Uléécáa yáasi uu ikóhó meyá m má, úu kaɓe uipiñe n naresi. Li usoi meylene-i nkɓáni yare mewéesesɔhɔ likó linyine ye ni. Amá kuláa kúka áku kémee we. Usoi lilala ye ni.

### 3

<sup>1</sup> Nó ne Kirisi kupénecɔ nnya, li wa yare nó ne uyẽ nóɔ nkɓɔ kémee yisi. Lẽ nnya, keyómecáa-pɔ likó kani yé wéési, kei ke Kirisi uu Uléécáa kuluke-luke-mẽ keyukóɔtone-i n tũ.

<sup>2</sup> Keyómecáa-pɔ likó nkó nké nó n we, ái ketẽ nté likó nkó.

<sup>3</sup> Nɔ pikɓɔ masile, nónnéfáa nn Kirisi kéméé we nn ne Uléécáa-i pékaalẽ.

<sup>4</sup> Uyee nónnéfáa. Keyáa nké kuu n sónti, nó ne uyẽ nóɔ kɔ umeyɔɔpi kémee wene.

*Isoi fale ne ikpure kecáá nstímé*

5 Lẽ nnya, ani ketẽ nté likó lee nńínépinje-i ní we kpu. Lẹlee nní: Mémare kpááree ne mékperinkpewai ne méla tńé-tńé ne mewai kópe ripɔɔ ne memá nnáápi. Memá nnáápi pń ne piléenyóɔnse picɔ le.

6 Mewai mẽ mpuri nnya ke Uléécaá kuwɔi aku ppepe pipakare u n yúlu kecáá wéme.

7 Limɛɔ kaní ppe wai, pɛé uye-i kaní ppe akópe nyẽ kémeé ní we.

8 Lẽ nnya nńóké kɔ nkpeni lẽ nnéí fóm: Kuwɔi ne mesɛɛwai ne rikpákára ne picɔ alẽ ne isɛicirésimé yee nńínénńó-i n léenti.

9 Nńó mpí nńó nní nńínésoi kpure ne imewai kópe n lése ani fómni,

10 ani isoi fale kpisi ani tani yare ketúkanka, áni kape nkpeni nńómenécɔpɛcɛre nnńóme n wapaane. Nńó nkpeni pisoi fale le ke urówai Uléécaá uu meséere n nyóɔnse nńóké ne menyíne u n wa nnya. U la re nńóké kɔ meyíkíyiki u ceri.

11 Ai nkpeni we re nkó úu Usuifi, nkó yee Usuifi, née nkó ye kélẽ née nkó úu kélẽ née nkó ye usɔhɔɔ née nkó ye úyuyɔmɔhɔkó née nkó ye ulási née nkó ye ne uripɔɔ wele. Kirisi yee pinnéí kémeé nńá yo.

12 Nńó Uléécaá sipipi le. U nńó wéele un nńó la. Lẽ nnya, ani íwe n ténáane nńon kusoi wapaane, ani ye nńómenécɛre cɛpise aní m purú nńon kɔ nińú.

13 Ani m múínelẽ nńone, nńá úye uké ye ucɔ sárei. Uye un ucɔ ne nsímé m púnne, ani ye sárikɛene yare ke Upíima uu nńó n sárei mɛɔ.

14 Ani likɛcáá nla rikpáɔ. Nla mee yé tíyese ani nńone m pénéle, ani rinńó rise wai.

15 Kirisi uké nkíńnińe nńóanékíń kémeé wa. Nkíńnińe mmẽ kuú ne nńó sée re ani ripéne ani



wai usoi use. Ani ye mesére u pōnese.

<sup>16</sup> Kirisi nsímé nké ne nlisone nnéi nókenémee n we. Ani n lénaanē non kō célaane ne mewéesesōhō kani m má. Ani kefa kесе ne ipakare siyome ne akéhe ne siyóme ncōpuri ke Nfáasone nn nó n he ne ríyu u waise.

<sup>17</sup> Non ye n símisi née non n keisi, ani ye Upíima Yeesu rinyiri ne mpá yo n wai, ani ye ne u tiki aní ne Sáa Uléécaā pōnese.

*Usoi ne ucō kusencō nstmé isoi fale kémee*

<sup>18</sup> Nό pinósi, mpá úye uké uula n waiselē yare kai Upíima kémee m pise.

<sup>19</sup> Nό pitisi, mpá úye uké uunōsi n la. Ani kape ne kēyu pi m páápú.

<sup>20</sup> Nό siwá, ani ye mpá yo kémee nópinéte m pakarelē. Lelēe ne Upíima sá.

<sup>21</sup> Nό siwá pisaa, áni kape siwá kuwói n waise. Insá lē, siapōō yé caai.

<sup>22</sup> Nό pikεikó, ani ye mpá yo kémee nópinékeisaa ketē nké kecáá m pakarelē. Ai pin nókenékúrí n we pin nó nyáni ηmane kani yé pi m pakarelē. Amá ani ne kefa kесе pi n keisi Upíima kani m pakarelē nnya.

<sup>23</sup> Mpá yo kani wai, ani ye li n wai ne kefa kесе. Upíima kani li wai, ái sisoipipi.

<sup>24</sup> Ani n nyu re liihéé ke Upíima uu nó m pane yee lisone lē kuu n yekeilē un ne upikó mé. Kirisi yee Upíima. Uyē kani pikei pē wai.

<sup>25</sup> Lē nnya, úye un mewai kópe n wai, meihéé kuu yénune. Uléécaā úu ye usoi keyu-i ripái, amá aseí kuu tikelē un ne túhaane.

## 4

<sup>1</sup> Nɔ́ p̄iyɔsaa, ani n nyu re nɔ́ ne kɔ keyómecaa-pɔ ute mále. Lɛ́ nnya, ani ye nɔ́pinélasi n̄sɔne m múl̄l̄ n̄n l̄l̄eɛ ne n sá pi wai.

### *Pɔli ye Kolɔasi pikó mesɔho kpál̄ɛ*

<sup>2</sup> Ani ne piyómeyáhaa n ηmóópúl̄ɛ, ani kape lɔpile, ani ye kɔ Ul̄lécaaa p̄ɔnɛse.

<sup>3</sup> Ani ye kɔ kerócaá keyóme yáasi re uké ntósimé ncée táp̄ile tóké Kirisi nsímé mee p̄ee m pékaal̄ɛ picɔ riyóó. Mm̄ɛ nnya kam nní akpanii k̄ém̄é we.

<sup>4</sup> Ani u pise re uké t̄iyese k̄é ye unsímé mm̄ɛ tiyóó yare kai m pise.

<sup>5</sup> Ani mewéesesɔho m má n̄n ne mp̄i p̄ee ápi Kirisi pikó ne s̄ɔne. Ani kape t̄iye it̄uɛ iké méwoo tene.

<sup>6</sup> Nónnénóosimé nké mesére n láárú nn kɔ riyoriye má, nn kɔ kutu kúɔ we. Ani ye ceri l̄ɛ kani yé m̄pá úye rinó n yósi.

### *Iyáhaa t̄ɔrɔ*

<sup>7</sup> Tisiiki ye unémáreɔ lala kecire le un kɔ asei ne Up̄iima p̄ikei wai. U kɔ Up̄iima p̄ikei k̄ém̄e unéséncɔ le. U yé l̄l̄eɛ né n wai nn̄í nɔ́ k̄éenk̄e.

<sup>8</sup> Né nók̄eném̄e u tumpɔ uké nɔ́ símisi mm̄ɛ-i kari ní we, uké kɔ nɔ́anék̄iɛ n̄ɛjukuse.

<sup>9</sup> U ne nók̄unéyu ukó use, urólala kecire Onesim kam tumpɔne piké l̄ɛ nn̄í l̄eɛ nté n wai nɔ́ k̄éenk̄e.

<sup>10</sup> Tó ne Arisitariki t̄ó akpanii k̄ém̄e ní we ye nɔ́ yáasi. Parinapasi umareɔ kep̄ipi Mariki p̄́ ne kɔ nɔ́ yáasi. Uȳɛ nsímé kapí p̄ee nɔ́ tee re un nók̄eném̄e n tuiɔ, ani u yósi n̄sɔne.

11 Yeesu kapi ye kɔ n sée re Yusituusi pɔ́ ne kɔ nó yáasi. Pisuífi pɛ̃ ημανε pεε Uléécaá iyɔ̃opi pikei kέmεε né léni. Pi ikari né waisele nsɔne.

12 Nókunéyu ukó Epafiraasi ye nó yáasi. U Kirisi Yeesu ukeikó le yeε meséere upiyomeyáhaa kέmεε nókenécáá n náasi re ái kapε nó ne Kirisi kupéneco kέmεε nó riyɔ̃, ani kɔ mpã yo Uléécaá mela kέmεε n wai.

13 Ne ne inénipee yenle re u nó ne Lawutisee ne Iyerapolisi pikó kecáá náasile hái.

14 Úrólala kecire, upɔise Luki ne Temaasi ye nó yáasi.

15 Ani pirómáreco Yeesu pikó pεε Lawutisee-pɔ́ n we yáasi. Ani kɔ Nimfa ne Uléécaá icápine pikó pεε ye ukeyɔ-i n cápine yáasi.

16 Non títelé ntí nóinécápine pikó inipee-i pikéε m masí, ani tíyεse Lawutisee pikó pɔ́oké kɔ ri keε. Nóké kɔ tɛ̃ ke pɛ̃ api nó m pááipɔne keε.

17 Ani Arikipu maa re uké pikei ke Upiima uu uanipe-i n wa kecáá musí uu nsɔne pi wai.

18 Né Pɔ̃oli, née kunénipe ne anóo nnyé wói re: Ne nó yáasi. Ani n léiselɛ̃ te akpanii kέmεε kamí we. Uléécaá uké ípeelée nó nyíse.

## **Nkomine Fal Ritɛlé Sola New Testament**

copyright © 2010 UEEB/SIM au Benin

Language: Sola (Miyobe)

Translation by: SIM International

### **Sola, Nkomine Fal Ritɛlé**

This translation, published by the UEEB/SIM au Benin, was published in 2010.

If you are interested in obtaining a printed copy, please contact the SIM, BP 15, Parakou, Benin.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-10-02

---

PDF generated using Haiola and XeLaTeX on 18 Apr 2025 from source files dated 29 Jan 2022

1bac8ff9-a7c9-52ef-bb5e-7155dd6ba1a1